



第一三四二册

四庫全書

●上海古籍出版社

本冊目次

文苑英華（二〇）

宋李昉等奉敕編……一

文苑英華辨證

宋彭叔夏撰……七三三

欽定四庫全書

集部

文苑英華卷九百四
六

詳校官庶吉士龍廷槐

助教臣常循覆勘

總校官進士臣朱 銓

校對官助教臣羅萬選

謄錄監生臣倪景寬

欽定四庫全書

文苑英華卷九百四

宋 李昉等 編

藏官十二

周大將軍崔說神道碑一首

周大將軍司馬裔碑一首

周大將軍崔說神道碑 庾 信

公諱說字某博陵郡安平縣人也昔者華陽之野降龍首之神烈山之都啓龜文之籙匡周則盟津有會佐夏

欽定四庫全書

文苑英華
卷九百四

則龍門始鑿西遊則起家秦相東入則載世齊卿備乎

史籍可得言矣祖辦中軍將軍魏書北史並作安南將軍定州刺史

父楷鎮北將軍司馬魏書周書北史並作騎將軍開府儀同三司烈侯並屬

風霜俱張鋒穎卽史疊迹官曹凜然是謂鮑恢都官百

城振懼葛豐握節京師欽手公特稟英靈偏鍾山岳雄

姿俊茂眉目疎朗觀虎於檻韶髮不驚稱象於船勝衣

能對至於拉虎羈一作押熊摧班碎掌忘歸繁弱落鴈吟

援故得氣蓋關中威申河外解褐領軍府錄事轉諮議

參軍時當塗失御政在權門始論函谷之兵即起韓陵之戰太師賀拔勝作牧西荆公為假節冠軍將軍防城都督夫疑作南陽失守卷甲奔梁樂毅羈旅猶思燕路陳軫愴悽終戀秦聲幸值和隣言歸舊國授衛將軍都督封安昌縣開國子食邑三百戶弘農赴復沙苑揮鋒進爵為侯增邑并前一千一百戶信珪則更受司勳穀壁則還輪典瑞鐵馬有河橋之戰戈船有汾水之兵除京兆太守移民下邑未學邊韶走馬章臺不同張敞遷

帥都督持節撫軍通直散騎常侍大都開

使持節

車騎大將軍儀同三司都官尚書定州大中正五曹奏

事有朱穆之忠九品論人見楊喬之直改封安國縣侯

益邑合前一千四百戶賜姓宇文改名為說漢王改婁

敬之族事重論都魏后變程昱之名恩深捧日還車周書

北史驍騎大將軍開府儀同三司加侍中竇憲連官單于

之寶鼎可致張寬固位渭橋之流星可識司木七工既

掌邱陵之賦司會六典乃均邦政之才居官得人於斯

為盛進爵為公改封萬年縣通前二千四百戶除隴州刺史都督隴州諸軍事隴坻路遙秦川望遠鄧仲華之不去馬文淵之願歸尋除涼州刺史總督河西甘瓜諸軍事地似伏龍城如飛鳥燉煌實錄宛在胃襟玉門亭障無勞圖畫有馬如羊不以入厩有金如粟不以入懷柱國齊王今上之介弟襲行薄伐問罪河陽以公為行軍長史參謀帷幄中軍之司既舉魏綸上卿之佐實用荀林以公方之差無慙德周書有軍除使持節大將軍

大都督崇德安義建忠九曲安樂三泉伏流周張平泉

固安蠻通俗凡十三防禦熊和中周書如此按隋地理

置中恨今北史後周時宜陽曰熊三州黃蘆起谷王

晏供超牽羊溫狐交河大嶺避雨木柵寺一十戌諸軍

崇德防主宜陽上地更有秦兵熊耳山前遂逢積伏用

是連營函谷獵騎黎陽威振兩河名陵三晉改封安平

縣公淮陰一國韓信之故人戶牖萬家陳平之鄉里公

此衣錦足為連類建德四年正月十日薨於長安之水

貴里私第春秋六十有四詔贈數

周書作
延丹綏恒周

長作五州諸軍事敷州刺史謚曰莊公禮也即以其年二

月二十四日葬于京兆平原鄉之吉遷里北陵追遠大
司馬有賜綬之恩西京贈行冠軍侯有詔葬之禮嗚呼
哀哉世子儀同衍生事以禮死葬以禮愛親有王祥之
孝同氣有姜肱之睦百行之本於斯備焉况復松檟深
沉既封青石之墓丘陵標榜湏勒黃金之碑乃為銘曰
華陽之神厲山之祖鳳野匡周龍門佐禹日浴滇池山

欽定四庫全書

文苑英華
卷九百四

四

浮海浦甫穆霸國營丘樂土膺斯宗邑承此壞王移封
東武就君安陽中軍節節鎮北鋒芒商飈獵草電火驅
霜公之輪煥繼體貞幹儀表邱墟風神墻岸孝有至德
忠能臣贊不廢橫琴無妨歌案既班三事又貳六官衛
青受詔韓信登壇長城馬窟廣武兵欄軍吏無犯營民
不寒乃用六謀乃論三策城壘向背星辰主客劍起沉
犀弓開伏石楚后讓盟秦君還璧百齡危脆十仞摧藏
諸侯地裂邊將星亡輕車騎士玄甲黃腸杜如齊地廟

似桐鄉銘功贊德碑闕相望

周大將軍司馬裔碑

前人

公諱裔字遵眉河內溫人也昔顓頊之命始則南正司
天重黎之後又以羲和掌曆夏陽適晉得隨會而同奔
東海避秦與毛公而俱隱其後金行受命王筍南遷帝
系極於闕圖中朝至于江表曾祖楚之晉太傅錄尚書
揚州牧會稽文孝王之次子元顯之幼弟也元顯見害
之後桓玄篡逆之初爰自韶亂客身屠釣河內道左抱

欽定四庫全書

文苑英華
卷九百四

五

劍長號代郡城前慟悲靈祭江淮志節之士汝穎風塵
之客感激一言咸多依附既而雲生伏龜星出鯨魚太
白經天蚩尤映野公乃收合餘燼泣血登拜臨武牢之
關據成臯之坂擁衆萬家歸于魏室魏明元皇帝遙授
平南大將軍荊州刺史襲封瑯琊郡王尚河內公主命
王承制從賓國之儀于時宋兵憑凌旗鼓侵逼虎牢不
封金墉無援魏太武皇帝授王使持節侍中安南大將
軍開府儀同三司給前後部鼓吹元戎啓行志雪冤恥

登壇慷慨三軍掩泣黃河漕粟已出石門士馬連旗將
臨野坂既而雲中析起代郡烽燃反旆南轅遂窮北略
贈征西大將軍都督梁益秦寧荆兗青豫鄂洛十州諸
軍事揚州牧司徒謚貞王祖金龍封瑯琊鎮西大將軍
儀同三司吏部尚書贈司空謚康王父悅鎮南將軍豫
州刺史漁陽莊侯

周書北史
並作子

以荆河刺舉時值亂離舉
起蕭牆遂終非命公遺腹載誕流離寇逆複壁襁負深

欽定四庫全書

文苑英華
卷九百四

六

酒市遭太夫人憂芒草墳塋以終灰燼形骸毀瘠適於
喪禮年十有五始幹家事楹前繫柱即取遺書石上開
松仍求故劍出身司徒府參軍除中堅將軍員外散騎
常侍值魏室多難所在蜂起孟津以北無復封畿嵩山
已南即為鋒鏑公建議脩武立柵溫城函谷西封河橋
北斷長亭籍馬並入武城百里祖車咸輸溫縣太祖文
帝締構關都經綸夷阻招携以禮懷遠以德馬文淵之
擇主去壘坻而歸身實周公之入朝在河西而奉詔大

統七年蒙授平東將軍北徐州刺史十年河內故義四

千餘家願立忠誠須公衣錦乃授使持節領河內太守

加前將軍懷州拓境兩鎮奔波柳泉轉戰三城授首十

三

周書北史
並作五

年太祖召山東諸立義之將能率衆入關

者有加重賞公率先而至領戶十室即以為封固辭不

受其菽粟之賜或以指困馬牛之賞將同量谷朝廷以

華陽西極漢水東流歎孟達之奔兵恠劉封之失策魏

前元年移鎮漢中除白馬城主領華陽郡守者昔稱導

欽定四庫全書

文苑英華
卷九百四

七

漾今聞上瀟烟沉冰井雨歇雲門其年授大都督加散
騎常侍柱國蜀國公開金牛之道通牧馬之關公卷甲
北塞懸軍束馬遂得策預葭萌勲參綿竹封龍門縣開
國子蒲州刺史仍領新州尋授使持節車騎大將軍儀
同三司大中正隆周授圖天保大定以公才望仍為舊
臣遂乃義深追遠恩隆繼絕即改封瑯琊縣公邑五百
戶仍遷驃騎大將軍開府儀同三司都督巴州諸軍事
巴州刺史武成二年被勅赴援信州魚復道阻屢却岑

彭荆門水急幾沉吳漢公乃月峽先登瞿唐直上天子
以公操履忠勤儀刑亮直乃徵為大御伯尋轉大御正
邑一千一百戶樞機近侍出納絲言所謂多識舊章殿
中無雙者矣四年大將軍東討公所領義眾先守枳關
授都督懷州諸軍事懷州刺史偃師張幕河陽牧馬雖
接戰於富平已連營於官渡五年詔追還拜始州刺史
更封信州賊山彰尋寶渝恃險岐路五尺絙約纔通縣
水三門橋飛濟渡既而風行草偃谷靜山空前後平十
一城獲九千餘口馬歸平樂金輸水衡天保二年除信
州刺史都督信州諸軍事朝發白帝暮宿江陵氣振巴
邱之兵威警建平之戍五年遷潼州刺史益州柱國公
降帝子之重鎮天井之星延閣擬於叢臺岷山方於代
郡公仰稟雄謀參謀遠略故得身預舞陽之功位極長
平之寵六年授使持節大將軍大都督西寧州諸軍事
西寧州刺史方欲闕沫若徵祥何見夜郎之候習昆彌
之戰而飛為墮水馬援去而無歸金馬騁光王褒行而

欽定四庫全書

文苑英華
卷九百四

不反嗚呼哀哉七年正月十日薨春秋六十有五詔贈

使持節大將軍懷州汾晉四州諸軍事懷州刺史夫人

襄城公主魏獻帝之曾孫趙穆王季女王姬肅恭榆翟

禮典四啟競一作莊三星令淑有光隆慮之賢足表平

陽之盛生則從夫以秩死則同穴以禮建德元年八月

十二日合葬於武公三時原大夫墓樹以栢諸侯墓高

於雉于嗟滕公來居此里詔謚定公禮也公資忠履孝

蘊義懷仁直幹千尋澄波萬頃逢蒙射法力牧兵書星

欽定四庫全書

文苑英華
卷九百四

九

辰高下之占風雨逢迎之氣故得師出以律天幸將軍
者也至如官曹案牘未常煩墮戎馬交馳不妨餘裕足
使四岳彌峻三台更明在朝四十一年身經一百餘戰
凡任四郡歷八州未嘗以貨殖經懷去如始至渭南千
畝之竹更懼盈滿池陽二頃之田常思止足身歿之日
家無餘財素車白馬狹室崎嶇黃腸玄甲階庭仄陋有
詔冬官為營寢室朱邑祭酹無所漢后是以賜金陳表
妻子露立吳王為之開館嗚呼哀哉世子侃孝家忠國

揚忠顯親是以勒此豐碑懼從陵谷殖之松栢不忍凋
枯銘曰

欽若厯象平秩寅賓少梁奎華地入咸秦族夷興馬書
窮獲麟玉鏡云始金行乃構象浦通關龍沙開候上糝
石起河陽水關五馬南浮三星東宿大傳作牧奄有江
池司徒避亂承制荆河南勞推轂猶思枕戈龍媒被野
蒼哭凌波莊侯李年禍機相接誕公遺嗣崎嶇懷挾山
竄趙武家藏孥燹伍員道阻燕丹路遙南奔楚塞北避
欽定四庫全書

文苑英華
卷九百四

十一

秦橋水流登隴寒風度遼有功都護則重嫖姚懷書上
馬習禮從戎陣圖六甲兵占八風藏松實劔射柳琬方
推誠賈復屈節庶公八翼頻飛六循疑作丞秉勇此仁
義行茲寬猛持印山開沉黎盜靜取甲無邱均田不井
懋功賜爵上將賞官軍中受詔塞外登壇方屠祭合更
塵皇蘭渝川毒水競道灾氛地亡都尉灘悲使君谷寒
無日山空足雲北風吹旄秋霖泣軍遣奠雙設銘旌兩
布泌水同墳平陽合墓悲哀嗣子攀號靡訴慟甚風枝

悲深霜露自此何世從斯幾年麒麟欲闢華表中燃地
形樓起松心蓋圖茫茫邱壠代代英賢

欽定四庫全書

文苑英華
卷九百四

十一

文苑英華卷九百四

欽定四庫全書

文苑英華卷九百五

宋 李昉等 編

職官十三 諸將軍二

周柱國大將軍拓拔儉碑一首

周柱國大將軍紀于弘碑一首

周柱國大將軍都督同州刺史公綿末碑一首

周柱國大將軍拓拔儉神道碑

庾 信

欽定四庫全書

文苑英華
卷九百五

蓋聞放勳立而羲和昇重華登而元凱用思皇多士既

成西伯之功俊德克明乃定南巢之伐是知惟賢非后

弗食惟后非賢弗又若夫君臣一德啓心沃心見之昌

寧文公矣公諱儉字慶明 周書北史並作
儉本名慶名 恒州高陸人

也北岳天孫之星燕河帝子之國故多奇節甚茂華風

高闕圖南二王齊軫長城拔本十族分源高祖太尉北

平王光輔五君允釐百揆恒衛既從淮沂其又祖豹龍

驤將軍恒州刺史常山刺舉非無取代之符龍驤摠戎

或似平吳之號父誠 北史作誠 年止弱冠終鮮印公以五

常蘊智六氣資德乘天則策馬秉靈降神則牽狼應象

直心於物水火怙然無負於天雷霆不懼富貴自取豈

資唐華 疑作舉 之言聲名有聞無勞李膺之識年十八解

褐員外散騎侍郎尋授輕車將軍羽林監太祖文皇帝

駕馭天綱苞羅英傑選公才德光佐中書諸葛亮之西

歸王壘成三分之業管夷吾之入仕葵邱有一匡之功

天水黠羌漁陽郡盜乃遷秦州刺史長史防城大都督

欽定四庫全書

文苑英華
卷九百五

封信都縣開國伯三年滑州蟻聚保 闕 命靡旗亂輒

乘冰渡河丞相大行臺授假節撫軍行滑州刺史大統

元年授持節東夏州刺史加散騎常侍卸支抱馬如聞

耿東之戰單于願識似畏王商之威五年遷使持節鎮

東將軍都督東北三夏州諸軍事西夏州刺史增邑千

戶改伯為公既而江漢遼遠車書寢寢蜀主的顧未出

檀溪之水秦王飛雉猶向南陽之城六年以公為使持

節都督三荆二襄南雍平信江隨郢浙一十二州諸軍

事荊州刺史東南道行臺僕射楚城隣境實有讓田吳人對營無妨贈樂部內屬城為人所訟公遂集文武肉袒自罰兄弟不讓延壽責躬吏民有過翁歸引咎天子異之璽書勞問贈賄加幣王人接踵大丞相書云此之笑事耳目之所未經歎尚無極故遺疑作專使公善於撫馭長於接引山藪無棄苞苴不行示人亦心與人顏色盜不敢發民不忍欺至是將校者老於州城之南起清政之樓北史作清德樓勤賢臣之頌杜鎮南之作牧當世樹

碑竇車騎之臨戎生年刻石方之今日彼獨何人于時戶口日增荒萊畢墾華實紛敷黔黎茂豫但恐衆職有關待公而補鼎鼐未和須公而正是以漢民陰望荆南杞梓並皆上書詣關連名乞留河內之借寇怕更慙謁帝交州之請士燮還著上表九年授車騎大將軍儀同三司十二年除大行臺尚書仍為大丞相司馬以公識度嚴明志節清儉遂改公名儉字慶明非關書月詎待看碑幸得千畝不同二山無廢十三年加開府餘官如

故十四年除尚書右僕射加侍中進驃騎大將軍居上星執法在文昌之位以公才望兼而有之十五年更除東南道行臺僕射都督十五州諸軍事行荊州事十六年大丞相總十六軍尅清河洛公又中分麾下參謀帷幄高選霸僚公為長史其年加都督南道三十六州諸軍事餘官如故南陽文學更遇王基章華衣還迎郭賀昔日伐蜀之謀張儀與秦昭討合平吳之利羊祜與晉武意同大祖始定成都即有江陵之志公密獻其策懸符深旨糧運久積梯衝立備一戰而舉鄢郢再戰而燒夷陵遂得席卷三荆此又公之勲也詔賞奴婢三百口太祖與公書云由公立計果何所謀公頃疑作頃自鎮江陵以安蜀地後魏二年改武川昌寧郡開國公歷陽居民非唯景丹之封曲逆戶口豈但陳平之國其年授大將軍太和中曹真於府內受冊元封之末衛青於軍中即拜公之此比綽有餘榮詔曰吳人未復須助謀謨今使梁王兵馬受公節度三年加都督東南道五十

三州諸軍事增邑萬戶維周革命光宅欽明作貳大官
允諧邦治元年授小冢宰保定二年治蒲州刺史檢校
六坊諸軍事四年治襄州仍授柱國大將軍餘官如故
秩登四岳階平六府豈不功重昭陽名高蔡賜控馭五
十州風行數十里拔園葵而去織婦無三惑而絕四知
一室之中未免虛白日膳之資三杯而已詔乃賜繒絲
一千段粟麥二千斛天和元年陝州刺史都督八州二
十坊諸軍事解荊州總管餘悉如故路出王宮城臨河
曲成清陝右高視棠陰部領宴煩晦明為疾天和四年
謝病故京薨于私第春秋七十有八鑾蹕降臨軒縣輟
樂九旒龍旂之錫三河騎士之送詔贈太保涼夏靈銀
長原河鄯甘瓜十州諸軍事涼州刺史謚曰文公狀貌
邱壚風神磊落玉山秀立喬松直上烟霞之涯際莫尋
江海之波瀾不測少遭荼苦在山服終攀柏樹枯侵松
獸死盡忠事國竭力從政其門如市其心若水奇策密
謀具僚仰止忠貞亮直明主敬焉至如風后陰陽之占

力牧星辰之度魏公子之兵書李將軍之射法莫不成
誦在心取為時用居常服翫或以布被松牀盤案之間
不過桑杯石鼎遺令山陵一無所用公私贈襪並不得
受止依太祖陵側無忘事君敬等兄弟並至性善居喪
號墓墳塋奉遵遺訓是以衛青之塚仍陪漢武之陵管
仲之墳即接齊桓之墓天和六年天子以四海未寧三
方鼎峙有懷將帥之志言念封疆之臣既畫雲臺乃題
麟閣更贈公為鄯國公邑五千戶追崇列辟事極神魂
再改銘旌恩隆封墓公在民留愛身後見思吉日良辰
郊祠野祭儀同趙迢等六百九十七人表求立廟陳請
象魏有詔許焉柱棟杏梁綠墀青瑣按歌會舞鳳蓋霓
裳南浦送而行雲東風颺而零雨是知漢陽郡前非徒
武侯之廟臨淄城下豈獨樂公之杜嗚呼哀哉乃為銘
曰

道鍾叱剝世屬雲雷地軸左轉天關北開客車周室繫
馬秦臺乃齊七政爰答三才烈祖靈譖九龔

二字

梁棟

取才達獵求賢入夢匡贊官雲謀猷絕疑作鳳律定公

族珪分職貢乃惟嗣德寔秉英靈身圖斗宿高繞樞星

青衿敬業童子離經信陵虛右干水分展忠孝純深樞

機周密孔光不言曹叅勿失溫席扇枕承顏悅膝凍浦

魚驚寒林笋出肅肅風政沉沉器局直似貞筠溫如瑞

玉清不置水明非舉燭馬願如羊金須似粟上將克昇

元戎既序夏陽三捷夷陵一舉憑軾下齊凌江入楚鼎

反歷室鍾歸大呂六卿咸事天官是司二南作伯棠陰

欽定四庫全書

文苑英華
卷九百五

七

實治清風有頌綠竹閭詩贈行之冊超然帝師昔侍蘭

苑今陪杏林死生契濶無違一心風雲積慘山障連陰

陵田野寂松逕寒深夏嬰之隴橋玄之墓馬見千年車

回三步左無長樂前非武庫直望高碑增悲行路

周柱國大將軍紇于弘神道碑

前人

公諱弘字廣略原州長城縣人也本姓田氏虞賓在位

基於揖讓之風鳳凰于飛紹于親賢之國論其繼世之

功則狄城有廟序其移家之治則長陵有碑况復高廟

上書小車而對漢王聊城祭鳥長岳疑而驅燕將公以

胎教之月歲德在寅載誕之辰星精出昴是以月中生

樹童子知言水上浮瓜青衿不戲而受書黃石意在王

者之圖揮劍白猿心存霸國之用魏水安中任子都督

翻原州城受隴西王節度于時洛邑亂離當室危逼禮

樂征伐不出於天子舉賢誅暴實在於強臣太祖文皇

帝始創霸功初勤王室林馬薨乘誓衆太原公伏劍輓

欽定四庫全書

文苑英華
卷九百五

八

門組謀當世隨何遠至實釋漢帝之憂許攸一作攸夜來

即定曹王之業永熙中奉迎魏武帝入關封鴉陰縣開

國子邑五百戶太祖以自着鐵甲賜公云天下若定還

將此甲示寡人白水良劍罷朝而贈陳寵青驪善馬軍

迴而賜李忠並經輿服足為連類大統三年轉帥都督

進爵為公十四年授使持節都督原州諸軍事原州刺

史仙人重迂更入桂陽之城龍種復歸還尋白沙之路

公此衣錦鄉里榮之侍從太祖戰河橋復弘農解華山

圍平沙苑陣必有元勳常蒙別賞太祖在同州文武並集號令云人人如紇干弘盡心天下豈不早定即授車騎大將軍儀同三司前魏元年轉驃騎大將軍開府祈連猶遠即受冠軍之官沙漠未開先置長平之府梁信州刺史蕭詧寧州刺史譙淹等猶處永安稱兵漁陽

二字疑

公受命中軍流下瀨遂得朝發白帝暮宿江陵猿嘯不驚雞鳴即西平反羌本有漁陽之勇鳳州叛氏又習仇池之氣公推鋒直上白刃交前萬死一決凶徒多潰身

欽定四庫全書

文苑英華
卷九百五

九

被一百餘箭傷肉破骨者九瘡焉被十鎗露布申上朝廷壯焉糾糾葛屨魏有去舊之歌零露漙漙周受惟新之命乃進爵封鴈門郡公食邑通前二十七戶保定元年授使持節都督岷州諸軍事岷州刺史隴頭流水延望秦關川上峨眉猶通蜀道公不發私書不燃官燭獸則相負渡江蟲則相銜出境四年拜大將軍餘官如故衛青受詔未入玉門之關竇憲當官猶在燕山之下公之此授差無慙德渾王叛換梗我西疆巖羌首竄藩

籬携貳公受服於社偏師遠襲揚旂龍涸繫馬甘松二

十五王靡旗亂轍七十六柵鴟奔雉竄既蒙用命之賞

乃奉旋師之樂天和二年被使南征帶甲百萬軸艦十

里江源水起海若東流舡官之城登巢懸嬰吳兵習流

長驅戰艦風灰箭火倏忽凌城公以白羽麾軍朱絲度

水七十餘日始得解衣朝廷以晉尅夏陽先通滅虢之

政秦開武遂始問吞韓之謀是以馳傳追公以為仁壽

城主齊將段孝先斛律明月出軍定隴以為宜陽之援

欽定四庫全書

文苑英華
卷九百五

十

公背洛水而面熊山陣中軍而踈行首秉機一戰宜陽

衝壁增封五百戶進柱國大將軍司勳之冊也建德元

年拜大司空二年遷少保姬朝三列少保為前

疑

五官冬官為北頻煩寵命是謂能賢三年授使持節都

督襄郢昌豐唐蔡六州諸軍事襄州刺史江漢之間不

驚難犬樊襄之下更多冠蓋既而三湘遼遠時遭鵬入

五溪卑濕或見鳶飛舊疾增加薨于州鎮天子晝凌烟

之閣言念舊臣出平樂之宮實思賢傳有詔贈某官禮

也即以四年四月二十五日歸葬於原州高平之鎮山
屬國玄甲輕車介士一依霍驃騎之禮衛將軍之葬嗚
呼盛哉公入仕四十五年身經一百六戰通中陷刀疾
甚曹叅刮骨傅樂事多關侯而風神果勇儀表沉雄事
親無隱無犯學不專經畧觀書籍兵無師古自得縱橫
青烏甲乙之占白馬星辰之變九宮推步三門伏起天
弧射法太乙營圖並皆成誦在心若指諸掌虜膏肓之
兵甚有秘計燒烏巢之米本無遺策西零賊退屈指可

欽定四庫全書

文苑英華
卷九百五

十一

知南郡兵迴插標而待常願執金鼓而問吳王橫琚戈
而返齊地有志不就忠貞死馬世子恭等孝惟純深居
喪過禮對其苦寢則梓樹寒生聞其悲泣則巢禽夜下
嗚呼哀哉乃為銘曰

天齊水合日觀山連兵強東楚地遠開燕五卿咸正三
王並賢靈龍更起燧象還燃自天之德乃祖乃父維岳
降神生申及甫北門梁棟西州雲雨勇警燕城名題漢
柱公始青衿風神世載猛獸不驚家禽能對劍學十門

書觀六代有竭忠真無違敬愛乃數軍實乃握兵謀澆

沙成疊聚石成圖風雲順逆營陣孤虛靈雨鉦鳴燿火

飛狐淮陰受冊車騎登壇公為上將有此同官下江燒

楚上地吞韓推功玉案定策珠盤天有三塔公承其命

國有六卿公從其政台曜偕輝槐庭重暎匡贊七德謨

猷八柄腹滿精神心開明鏡伏波受賑樓船推轂東道

未從南征不復飲丹有井澆泉無菊功存柳林身在櫛

木移萬及葬提柩山行芻靈隴水哀挽長城山如北却

欽定四庫全書

文苑英華
卷九百五

十三

樹似東平松門石起碑字金生眇眇山河煢煢肩子泣
血徒步奔波千里孝水先枯悲雲即起世數存歿哀榮
終始

周柱國大將軍大都督同州刺史余綿

為綿
氏 永神道碑

姓氏
書公

公諱永字永賓東燕遼東郡石城縣零泉里人也本姓
段昔者昌意陵居初分若水之姓共叔出奔始有京城
之族西河居士蕃魏而却秦北岳將軍威遠而奉晉其

後居於北代則先封遼水備平史籍可畧而言祖援鎮西將軍馮翊太守父儒平東將軍持節恒燕朔三州諸軍事恒州刺史公年裁弱冠即值亂離驅馳關塞之間早有縱橫之志軍陣方圖無勞聚米山川形勢不待披圖魏正光五年入仕解褐殿中將軍孝昌三年加龍驤將軍永安二年授平東將軍都督中垣建義勲謀是先蒙賞倉泉縣開國男食邑一百戶其年淮淝侵軼南鄙徵公兵受賑偏師一月三捷昔張遼奄至有

欽定四庫全書

文苑英華
卷九百五

十三

縣開國伯食邑五百戶進爵為侯永熙元年授使持節車騎大將軍左光祿魏武帝特召入仕關內大都督馬武小心侍蕭王於卧內典章忠壯陪魏后於官中于時賊帥元伯破掠城市西自潼函東綿鞏洛京畿大都督請馬七千公曰此賊無他策尋自鳥散止請五百騎應手生擒朝廷賞其謀策百姓喜其除害既而喪亂弘多生民版蕩乘輿西幸宗社北遷公妙識玄象深知厯數乃與昆弟謀為自全斬西中城主

本傳作
西郎將送首關內蒙家

賞平昌

本傳作
呂平

縣開國子食邑三百戶大統元年授使持節都督北徐州刺史平實軍

本傳作
實泰

復弘農戰沙苑

河橋公並預元統城身當鋒首謀猷應變備在司勲增邑八百戶通前合二千戶進爵為沃陽縣開國公授南汾州諸軍事南汾州刺史十四年增邑三百戶轉大都督其年授車騎大將軍儀同三司加散騎常侍十六年授驃騎大將軍開府加侍中尋授恒州諸軍事恒州刺史又遷雲州刺史昔軒邱分族異姓者十四人鄴邑建

欽定四庫全書

文苑英華
卷九百五

十四

侯宗盟者四十國太祖文帝席卷關河三分天下潁川從我並有鄉里之親新豐故人非無布衣之舊更立九十九姓還存十六國舊胄還姓公綿增邑一千進爵為廣州城郡開國公尋授文州諸軍事文州刺史國家以玉門西拒久勞亭鄆陽關北牧多事風塵武城二年有詔進公都督瓜州諸軍事瓜州刺史是以名馳梓嶺聲振榆關無雷畏威負霜懷惠保定二年還朝授工部大夫尋遷軍司馬夏官司武待白露而治兵冬官考工紀